

UUT'T OLDE VODDEN

Ons jonge volk, de jonge luû,
Al bunt ze ens neet muû,
Holt ter van late op te stoan,
En ast dóórdeur mis zal goan
Wod ze veur andren cruû!

Vól olders dee dunsloapug bint
Hebt wat te doon met zon kind!
Ze roopt-wekt ze mennug keer,
Moor ut kump ter dan op neer
Dat opstoan eur neet zint!

De zoaterdag-margen en zondag
Dan bunt ze heel van slag!
tMag wèèn dat ter voetbal is
Andes lóp ut heelmòòl mis,
Ze doot of sloopen mot en mag!

Wiej vrógger op de zoaterdag
Waarn altied biejtieds an slag,
Dan mos ie van wanten wetten,
Dèn dag extra werk vezetten,
Dat wodden van oe vewach!

tWas tan daj dr hadder an trok,
Neet veur twerk terugge schrok,
Dat kon; ie waarn oe bewuste
Den andren dag kreej wat ruste
Dan nheelboel vrijheid ok!

Zoaterdag-nommedag, zo
umtrent
As dee dag leep op zien end,
Umdat ut zondag netjes mos
wèèn
Opruumen, zo azze wie dan zèèn,
Dat ware wiej zo gewend!

Voetbal'n was toè nog neet in,
tSton nog nbetjen ant begin,
Dat ging vebiej an onze neb'n,
Door zow ok gin tied veur heb'n,
Dat had op werkeldag gin zin!

Voetbal hef noew wat bedongen,
tIs hoas óveral deur edrongen,
tKleinste plèetsken hef ene club
Veur groten, jeugd en pup,
Ze zek tgif sterke longen!

tVoetbal is al wel taamluk old,

Wie deen tok wel, moor toè zolt
„tGeschup” zo as de mense zèèn
Nog neet zo goed érégeld wèèn,
Of 'nbal noew dan andes rolt?

tGeet wel anders as toe in
Vodden
tIs noe ngroot kiekspel ewodden!
Al't ummers ok zeet op de T.V.

Hoè ze vanaf de kante lèèft mee!
Ze smiet met closetroin en
plodden!

Och wee met lèèft met zn club
Kan hoas neet vewerken abrupt
Dat ter inens iets is mis egoan
Eur deur dee andren an edoan,
Te kom'n van rëgen in de drup!

Ze mot tan wat af reageern
tGeet neet langs kolde kleern!
Voetbal raakt eur diëper toch,
Ze woln dat't andes wèzen moch,
En dan gòòt ze ok ant bleern!

Vrógger wast ok wels misse boel,
(Jasse eleg as kool, ut doel)
Toè lèèfdn ze ok al wel mee,
As tr ene toe wat lilluks dee
Heurn ie ok soms wel gejoel!

Ak ut tan weer zó bekiek
Blijf ut dus nog hoas geliek,
Wiej deen ut meer int klein
Moor heeln van de zelfde gein
As noew dat grote publiek!

Noe is ter dan meer regel,
Moor doorvan wod zok kregel,
Want'thóge goed, „de inspraak”
. Doors tneet met in de haak
Doorvan geeft'k oew ut zegel!

In de lande, of wel de staat
Is thoogste woord „democraat”
As ter iets neet democracies is
Zekt ze dan ist heelmòòl mis,
Proat ons zelfs an nsoort haat!

Bie voetbal kuj't vergeefs zeuken,
Democratie, dat bunt spreuken,
As ze oe dat van voetbal heb ezeg

Of op dee meniëre uut eleg
Dan hebt ze oe wil'n veneuken!

tGif tan ok vake wel gedaas,
Éene is ter door de baas,
As'n spóller dat effen veget
Wod e hardhands op zn nummer
ezet
Zalle'motten veülen helaas!

De scheidsrechter dat is de man
Dee alles beslist, ok alles kan,
En heffe tneet bie tgoeje end,
Zeg niks! wod oe jong in eprent!
Alles wat e zeg, holt oe dr an!

Och voetbal is'n heftug spel,
Dat wet ie zachjes an ok wel,
As door spóllers mét proaten zoln
Wast neet in de hand te hol'n,
Leep tvake uut op een rel!

As zon keer! altied luustren zol
Noa tgesoebat en ut gesol,
En an-heurn wat de spóllers zèèn,
Hee zol gin leider können wèèn!
Was trok ginne dee'tdoon wol!

Toch, dee grote baas, as'n
despoot,
Deut ut soms vekeerd int groot!

En hoè iej twieter ok bekiekt,
Das iets dat gin mense liekt,
tSpel wod tan'nhel, gòøj in de
boot!

Al'n antal joorn, hoè oft ok geet
Protesteern dat meug ie neet,
nScheidsrechter is as nheilig
man,
Wat dee door zeg door zit ie an!
Dat gif toch wel onneúdug leed!

kHöp dõrm dat wod as int veleen
De dinge dee ze vekeerd door
deen
En wordeur dr wat is mis egoan
Daj doorvan in beroop kónt goan
Zodat tát van niej wod bezeen!